

四庫全書

集部

欽定四庫全書

集部

御定全唐詩卷一百七十九

二至

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣湯坦

謄錄監生臣周文彬

欽定四庫全書

御定全唐詩卷一百七十二

李白

安陸白兆山桃花岳寄劉侍御綰

一作春歸桃花岳
貽許侍

御

雲卧三十年好閒復愛仙蓬壺雖冥絕驚鶴心悠然歸

來桃花岳得憩雲窗眠

此六句一作幼采紫房談早愛
滄溟仙心跡頗相誤世事空徂

遷歸來丹巖曲
得憩青霞眠

對嶺人共語飲潭猿相連時昇翠微上

邈若羅浮巔兩岑抱東壑一嶂橫西天樹雜日易隱崖

傾月難圓

一作延

芳草換野色飛蘿搖春煙入遠構石室

逕幽開上田獨此林下意杳無區中緣永辭霜臺客千

載方來旋

淮南卧病書懷寄蜀中趙徵君蕤

吳會一浮雲飄如遠行客

一作萬里無主人一身獨為客

功業莫從就

歲光屢奔迫良圖俄棄捐衰疾乃綿劇古琴藏虛匣長

劒挂空壁楚冠

一作懷

一作奏

鍾儀越吟比莊舄國門遙天

外鄉路遠山隔

一作臥來恨已
久興發思逾積

朝憶相如臺夜夢子雲

宅旅情初結緝秋氣方寂歷風入松下清露出草間白
故人不可見幽夢誰與適寄書西飛鴻贈爾慰離析

寄弄月溪吳山人

嘗聞龐德公家住洞湖水終身棲鹿門不入襄陽市夫
君弄明月滅景清淮裏高蹤邈難追可與古人比清揚
杳莫覩白雲空望美待我辭人間携手訪松子

秋山寄衛尉張卿及王徵君

何以折相贈
白花青桂枝
月華若夜雪
見此令人思
雖然剡溪興
不異山陰時
明發懷二子
空吟招隱詩

望終南山寄紫閣隱者

出門見南山
引領意無限
秀色難為名
蒼翠日在眼
有時白雲起
天際自舒卷
心中與之然
託興每不淺
何當造幽人
滅跡棲絕巖

夕霽杜陵登樓寄韋絲

浮陽

一作雲

滅霽景萬物生
秋容登樓送遠目
伏檻觀羣

峰原野曠超緬關河紛雜

一作錯

重清暉映竹日翠色明

雲松蹈海寄遐想還山迷舊蹤徒然迫晚暮未果諧心
胷結桂空佇立折麻恨莫從思君達永夜長樂聞踈鐘

秋夜宿龍門香山寺奉寄王方城十七丈奉國

瑩上人從弟幼成令問

朝發汝海東暮棲龍門中水寒夕波急木落秋山空望
極九霄迴賞幽萬壑通目皓沙上月心清松下風玉斗
橫網戶銀河耿花宮興在趣方逸歡餘情未終

一作尺世喧

隔微冥
真理融

鳳駕憶王子虎溪懷遠公桂枝坐蕭瑟棣華不
復同流恨寄伊水盈盈焉可窮

春日獨坐寄鄭明府

燕麥青青遊子悲河堤弱柳鬱金枝長條一拂春風去
盡日飄揚無定時我在河南別離久那堪坐此對窻牖
情人道來竟不來何人共醉新豐酒

寄淮南友人

紅顏悲舊國青歲歇芳洲不待金門詔空持寶劍遊海

雲迷驛道江月隱鄉樓復作淮南客因逢桂樹留

沙丘城下寄杜甫

我來竟何事高臥沙丘城城邊有古樹日夕連秋聲魯
酒不可醉齊歌空復情思君若汶水浩蕩寄南征

聞丹丘子於城北營石門幽居中有高鳳遺跡

僕離羣遠懷亦有棲遁之志因叙舊以寄之

春華滄江月秋色碧海雲離居盈寒暑對此長思君思
君楚水南望君淮山北夢魂雖飛來會面不可得疇昔

在嵩陽同衾臥義皇綠蘿笑簪紱丹壑賤巖廊晚途各
分析乘興任所適僕在雁門關君為峨眉客心懸萬里
外影滯兩鄉隔長劒復歸來相逢洛陽陌陌上何喧喧
都令心意煩迷津覺路失託勢隨風翻以茲謝朝列長
嘯歸故園故園恣閒逸求古散縹帙久欲入一作尋名山
婚娶一作嫁殊未畢人生信多故世事豈惟一念此憂如
焚悵然若有失聞君臥石門宿昔契彌敦方從桂樹隱
不羨桃花源高風起遐曠幽人跡復存松風清瑤瑟溪

月湛芳樽安居偶佳賞丹心期此論

淮陰書懷寄王宗成

一作王宗城

沙墩至梁苑二十五長亭大舶夾雙艣中流鵝鶴鳴雲
天掃空碧川嶽涵餘清飛鳬從西來適與佳興并眷言
王喬烏婉孌故人情復此親懿會而增交道榮沿洄且
不定飄忽悵徂征暝投淮陰宿欣得漂母迎斗酒烹黃
雞一餐感素誠予為楚壯士不是魯諸生有德必報之
千金恥為輕緬書羈孤意遠寄權歌聲

聞王昌齡左遷龍標遥有此寄

楊花落盡

一作楊州花落

子規啼聞道龍標過五溪我寄愁心

與明月隨風直到夜郎西

寄王屋山人孟大融

我昔東海上勞山餐紫霞親見安期公食棗大如瓜中
年謁漢主不慙還歸家朱顏謝春輝白髮見生涯所期
就金液飛步登雲車願隨夫子天壇上閒與仙人掃落
花

憶舊遊寄譙郡元參軍

憶昔洛陽董糟丘為余天津橋南造酒樓黃金白壁買
歌笑一醉累月輕王侯海內賢豪青雲客就中與君心
莫逆迴山轉海不作難傾情倒意無所惜我向淮南攀
桂枝君留洛北愁夢思不忍別還相隨相隨迢迢訪仙
城三十六曲水迴縈一溪初入千花明萬壑度盡松風
聲銀鞍金絡倒平地漢東太守來相迎紫陽之真人邀
我吹玉笙餐霞樓上動仙樂嘈然宛似鸞鳳鳴袖長管

催欲輕舉漢中太守醉起舞手持錦袍覆我身我醉橫
眠枕其股當筵意氣凌九霄星離雨散不終朝分飛楚
關山水遙余既還山尋故巢君亦歸家渡渭橋君家嚴
君勇貌虎作尹并州遇戎虜五月相呼度太行推輪不
道羊腸苦行來北涼歲月深感君貴重一作義輕黃金瓊

杯綺食青玉案使我醉飽無歸心時時出向城西曲晉
祠流水如碧玉浮舟弄水簫鼓鳴微波龍鱗莎草綠興
來携妓恣經過其若楊花似雪何紅粧欲醉宜斜日百

尺清潭寫翠娥。翠娥嬋娟初月輝。美人更唱舞羅衣。清
風吹歌入空去。歌曲自繞行雲飛。此時行一作歡樂難再
遇。西遊因獻長楊賦。北闕青雲不可期。東山白首還歸
去。渭橋南頭一遇君。鄼臺之北又離羣。問余別恨知多
少。落花春暮爭紛紛。言亦不可盡。情亦不可極。呼兒長
跪緘此辭。寄君千里遙相憶。

月夜江行寄崔員外宗之

飄飄一作飄飄

風

江風起蕭颯。海樹秋登艫。美清夜挂席移輕

舟月隨碧山轉水合青天流杳如星河上但覺雲林幽
歸路方浩浩徂川去悠悠徒悲蕙草歇復聽菱歌愁岸
曲迷後浦沙明瞰前洲懷君不可見望遠增離憂

宿白鷺洲寄楊江寧

朝別朱雀門暮棲白鷺洲波光搖海月星影入城樓望
美金陵宰如思瓊樹憂徒令魂入夢翻覺夜成秋綠水
解人意為余西北流因聲玉琴裏蕩漾寄君愁

新林浦阻風寄友人

潮水定可信天風難與期清晨西北轉薄暮東南吹以
此難挂席佳期益相思海月破圓影菰蔣生綠池昨日
北湖梅開花已滿枝今朝東門柳夾道垂青絲歲物忽
如此我來定幾時紛紛江上雪草草客中悲明發新林
浦空吟謝朓詩一本題作金陵阻風雪書懷寄楊江寧云潮水定可信天風難與期清晨西北
轉薄暮東南吹以此難挂席沿洄頗淹遲使索金陵書又叨賢宰知弦歌止過客惠化聞京師歲物忽如此我
來復幾時紛紛江上雪草草客中悲明發新林浦空吟謝朓詩

寄韋南陵冰余江上乘興訪之遇尋顏尚書笑

有此贈

南船正東風北船來自緩江上相逢借問君語笑未了
風吹斷聞君攜伎訪情人應為尚書不顧身堂上三千
珠履客甕中百斛金陵春恨我阻此樂淹留楚江濱月
色醉遠客山花開欲然春風狂殺人一日劇三年乘興
嫌太遲焚却子猷船夢見五柳枝已堪挂馬鞭何日到
彭澤長歌陶令前

題情深樹寄象公

腸斷枝上猿淚添山下樽白雲見我去亦為我飛翻

北山獨酌寄韋六

巢父將許由未聞買山隱道存跡自高何憚去人近紛
吾下茲嶺地閒喧亦泯門橫羣岫開水鑿衆泉引屏高
而在雲竇深莫能準川光晝昏凝林氣夕淒緊於焉摘
朱果兼得養玄牝坐月觀寶書拂霜弄瑤軫傾壺事幽
酌顧影還獨盡念君風塵游傲爾令自哂

一本此下有
安知世上人

名利空
養二句

寄當塗趙少府炎

晚登高樓望木落雙江清
寒山饒積翠秀色連州城
目送楚雲盡心悲胡雁聲
相思不可見迴首故人情

寄東魯二稚子

在金陵作

吳地桑葉綠吳蠶已三眠
我家寄東魯誰種龜陰田
春事已不及江行復茫然
南風吹歸心飛隨酒樓前
樓東一株桃枝葉拂青煙
此樹我所種別來向三年
桃今與樓齊我行尚未旋
嬌女字平陽折花倚桃邊
折花不見

我淚下如流泉小兒名伯禽與姊亦齊肩雙行桃樹下
撫背復誰憐念此失次第肝腸日憂煎裂素寫遠意因
之汶陽川

嬌女字平陽下一作嬌女字平陽有弟與齊肩雙行桃樹下折花倚桃邊折花不見我淚

下如流泉

獨酌清溪江石上寄權昭夷

我携一樽酒獨上江祖石自從天地開更長幾千尺舉
杯向天笑天迴日西照永願坐此石長垂嚴陵釣寄謝
山中人可與爾同調

禪房懷友人岑倫

時南遊羅浮兼泛桂海自春徂秋不返僕旅江外書情寄

之

嬋娟羅浮月搖艷桂水雲美人竟獨往而我安得羣一

朝語笑隔萬里懽情分沉吟綵霞沒夢寐羣一作芳歇

歸鴻渡三湘遊子在百粵邊塵染衣劒白日彫華髮春

風一作氣變楚關秋聲落吳山草木結悲緒風沙淒苦顏

竭來已永久頽思如循環飄飄一作飄限江裔想像空留

滯離憂每醉心別淚徒盈袂坐愁青天末出望黃雲蔽

目極何悠悠梅花南

一作編

嶺頭空長

一作長空

滅征

一作去

鳥

水濶無還舟寶劍終難託金囊非易求歸來儻有問桂

樹山之幽

欽定四庫全書

御定全唐詩卷一百七十二

御定全唐詩卷一百七十二

欽定四庫全書

御定全唐詩卷一百七十三

李白

廬山謠寄盧侍御虛舟

我本楚狂人鳳歌笑孔丘手持綠玉杖朝別黃鶴樓五
嶽尋仙不辭遠一生好入名山遊廬山秀出南斗傍屏
風九疊雲錦張影落明湖青黛光金闕前開二峰長銀
河倒挂三石梁香爐瀑布遙相望迴崖沓嶂凌蒼蒼翠

影紅霞映朝日鳥飛不到吳天長登高壯觀天地間大
江茫茫去不還黃雲萬里動風色白波九道流雪山好
為廬山謠興因廬山發閒窺石鏡清我心謝公行處蒼
苔沒早服還丹無世情琴心三疊道初成遙見仙人綵
雲裏手把芙蓉朝玉京先期汗漫九垓上願接盧敖遊
太清

下潯陽城汎彭蠡寄黃判官

浪動濯嬰井潯陽江上風開帆入天鏡直向彭湖東落

景轉疎雨晴雲散遠空

一作返景照疎雨輕煙澹遠空

名山發

一作中流得

佳興清賞亦何窮石鏡挂遙月香爐滅彩虹

一作瀑布灑青壁遙

山挂彩虹相思俱對此舉目與君同

書情寄從弟邠州長史昭

自笑客行久我行定幾時綠楊已可折攀取最長枝翩

翩弄春色延佇寄相思誰言貴此物意願

一作厚

重瓊蕤

昨夢見惠連朝吟謝公詩東風引碧草不覺生華池臨

翫忽云夕杜鵑夜鳴悲懷君芳歲歇庭樹落紅滋

寄王漢陽

南湖秋月白，王宰夜相邀。
錦帳郎官醉，羅衣舞女嬌。
笛聲喧沔鄂，歌曲上雲霄。
別後空愁我，相思一水遙。

春日歸山寄孟浩然

朱紱遺塵境，青山謁梵筵。
金繩開覺路，寶筏度迷川。
嶺樹攢飛栱，岩花覆谷泉。
壙形標海月，樓勢出江煙。
香氣三天下，鐘聲萬壑連。
荷秋珠已滿，松密蓋初圓。
鳥聚疑聞法，龍參若護禪。
媿非流水韻，叨入伯牙絃。

流夜郎永華寺寄尋陽羣官

朝別凌煙樓，賢豪滿行舟。
暝投永華寺，賓散予獨醉。
願結九江流，添成萬行淚。
寫意寄廬嶽，何當來此地。
天命有所懸，安得苦愁思。

流夜郎至西塞驛寄裴隱

揚帆借天風，水驛苦不緩。
平明及西塞，已先投沙伴。
迴巖引羣峰，橫蹙楚山斷。
砢衝萬壑會，震沓百川滿。
龍怪潛溟波，俟一作候時救災旱。
我行望雷雨，安得霑枯散。
鳥

去天路長人愁

一作悲

春光短空將澤畔吟寄爾江南管

自漢陽病酒歸寄王明府

去歲左遷夜郎道琉璃硯水長枯槁今年敕放巫山陽

蛟龍筆翰生輝光聖主還聽子虛賦相如却與一作欲論

文章願掃鸚鵡洲與君醉百場嘯起白雲飛七澤歌吟
淥水動三湘莫惜連船沽美酒千金一擲買春芳

望漢陽柳色寄王宰

漢陽江上柳望客引東枝樹樹花如雪紛紛亂若絲春

風傳我意草木別前知

一作發前輝

寄謝弦歌宰西來定未

遲

江夏寄漢陽輔錄事

誰道此水廣狹如一匹練江夏黃鶴樓青山漢陽縣大
語猶可聞故人難可見君草陳琳檄我書魯連箭報國
有壯心龍顏不迴眷西飛精衛鳥東海何由填鼓角徒
悲鳴樓船習征戰抽劒步霜月夜行空庭徧長呼結浮
雲埋沒顧榮扇他日觀軍容投壺接高宴

早春寄王漢陽

聞道春還未相識走傍寒梅訪消息昨夜東風入武陽
一作 陌頭楊柳黃金色碧水浩浩雲茫茫美人不來空
斷腸預拂青山一片石與君連日醉壺觴

江上寄巴東故人

漢水波浪遠巫山雲雨飛東風吹客夢西落此中時覺
後思白帝佳人與我違瞿塘饒賈客音信莫令稀

江上寄元六林宗

霜落江始寒，楓葉綠未脫。
客行悲清秋，永路苦不達。
滄波眇川汜，白日隱天末。
停櫂依林巒，驚猿相叫聒。
夜分河漢轉，起視溟漲濶。
涼風何蕭蕭，流水鳴活活。
浦沙淨如洗，海月明可掇。
蘭交空懷思，瓊樹詎解渴。
勗哉滄洲心，歲晚庶不奪。
幽賞頗自得，興遠與誰豁。

寄從弟宣州長史昭

爾佐宣州郡，守官清且閒。
常誇雲月好，邀我敬亭山。
五落洞庭葉，三江遊未還。
相思不可見，歎息損朱顏。

涇溪東亭寄鄭少府諤

我遊東亭不見君沙上行將白鷺羣白鷺行時散飛去
又如雪點青山雲欲往涇溪不辭遠龍門感波虎眼轉
杜鵑花開春已闌歸向陵陽釣魚晚

宣州九日聞崔四侍御與宇文太守遊敬亭余
時登響山不同此賞醉後寄崔侍御二首

九日茱萸熟插鬢傷早白登高望山海滿目悲古昔遠
訪投沙人因為逃名一作客故交竟誰在獨有崔亭伯

重陽不相知載酒任所適手持一枝菊調笑二千石日
暮岸幘歸傳呼隘阡陌彤襜雙白鹿賓從何輝赫夫子
在其間遂成雲霄隔良辰與美景兩地方虛擲晚從南
峰歸蘿月下水壁却登郡樓望松色寒轉碧咫尺不可
親棄我如遺鳥

九卿天上落五馬道傍來列戟朱門曉褰幃碧嶂開登

高望遠海名客得英才紫綬懽情洽黃花逸興催山從

一作圖上見溪即

一作向

鏡中迴遙羨重陽作應過戲馬

臺

寄崔侍御

宛溪霜夜聽猿愁，去國長為不繫舟。
獨憐一雁飛南海，却羨雙溪解北流。
高人屢解陳蕃榻，過客難一作還登謝朓樓。
此處別離同落葉，朝朝分散敬亭秋。

涇溪南藍山下有落星潭，可以卜築。
余泊舟石上，寄何判官昌浩。

藍岑竦天壁，突兀如鯨額。
奔蹙橫澄潭，勢吞落星石。
沙

帶秋月明水搖寒山碧佳境宜緩擢清輝能留客恨君
阻歡遊使我自驚惕所期俱卜築結茅鍊金液

早過漆林渡寄萬巨

西經大藍山南來漆林渡水色倒空青林煙橫積素漏
流昔吞翕沓浪競奔注潭落天上星龍開水中霧嶢一作

嶢巖注公柵突兀陳焦墓嶺峭紛上千川明屢迴顧因

思萬夫子解渴同瓊樹何日覩清光相歡詠佳句

遊敬亭寄崔侍御

一本作登古城望
府中寄崔侍御

我家敬亭下，輒繼謝公作。相去數百年，風期宛如昨。登

高素秋月下，望青山郭。俯視鴛鴦羣，

一作府中鴛鴦羣

飲啄自

鳴。躍夫子雖踉蹌，瑤臺雪中鶴獨立。窺浮雲，其心在寥

廓。時來顧我笑，一飯葵與藿。世路如秋風，相逢盡蕭索。

腰間玉具劍，意許無遺諾。

一作願為經冬柏，不逐天霜落。

壯士不可輕

相期在雲閣。

三山望金陵寄殷淑

三山懷謝朓，水澹

一作淶水

望長安。燕沒河陽縣，秋江正北

看盧龍霜氣冷
鵲月光寒耿耿
憶瓊樹天涯寄一懽

自金陵泝流過白壁山翫月達天門寄句容王

主簿

滄江泝流歸白壁
見秋月秋月照白壁
皓如山陰雪幽人停宵征
賈客忘早發進帆天門山
回首牛渚沒川長信風來
日出宿霧歇故人在咫尺
新賞成胡越寄君青
蘭花惠好底不絕

寄上吳王三首

淮王愛八公攜手綠雲中小子忝枝葉亦攀丹桂叢謬
以詞賦重而將枚馬同何日背淮水東之觀土風

坐嘯廬江靜閒聞進玉觴去時無一物東壁挂胡牀

英明廬江守聲譽廣平籍灑掃黃金臺招邀青雲客客
曾與天通出入清禁中襄王憐宋玉願入蘭臺宮

御定全唐詩卷一百七十三

欽定四庫全書

御定全唐詩卷一百七十四

李白

秋日魯郡堯祠亭上宴別杜補闕范侍御

我覺秋興逸誰云秋興悲山將落日去水與晴空宜魯

酒白玉壺送行駐金羈歇

一作歇

鞍穩古木解帶挂橫枝

歌鼓川上亭曲度神飈吹

一本無此二句却添南歌憶郢客東轉見齊姬清波忽澹

蕩白雪紛逶迤一隔范杜遊此歡忽若遺三韻雲歸碧海夕鴈沒青天時相失

各萬里茫然空爾思

別魯頌

誰道泰山高下却魯連節誰云秦軍衆推却魯連舌獨
立天地間清風灑蘭雪夫子還倜儻攻文繼前烈錯落
石上松無為秋霜折贈言鏤寶刀千歲庶不滅

別中都明府兄

吾兄詩酒繼陶君試宰中都天下聞東樓喜奉連枝會
南陌愁為落葉分城隅淥水明秋日海上青山隔暮雲

取醉不辭留夜月鴈行中斷惜離羣

夢遊天姥吟留別

一作別東魯諸公

海客談瀛洲煙濤微茫信難求越人語天姥雲霓明滅
或可覩天姥連天向天橫勢拔五嶽掩赤城天台四萬
八千丈對此欲倒東南傾我欲因之夢吳越一夜飛度
鏡湖月湖月照我影送我至剡溪謝公宿處今尚在淥
水蕩漾清猿啼脚著謝公屐身登青雲梯半壁見海日
空中聞天雞千巖萬轉路不定迷花倚石忽已暝熊咆

龍吟殷巖泉慄深林兮驚層巔雲青青兮欲雨水澹澹
兮生煙列缺霹靂丘巒崩摧洞天石扇訇然中開青冥
浩蕩不見底日月照耀金銀臺霓為衣兮風為馬雲之
君兮紛紛而來下虎鼓瑟兮鸞迴車仙之人兮列如麻
忽魂悸以魄動恍驚起而長嗟惟覺時之枕席失向來
之煙霞世間行樂亦如此古來萬事東流水別君去時
何時還且放白鹿青崖間須行即騎訪名山安能摧眉
折腰事權貴使我不得開心顏

留別曹南羣官之江南

我昔釣白龍放龍溪水傍道成本欲去揮手凌蒼蒼時
來不關人談笑遊軒皇獻納少成事歸休辭建章十年
罷西笑覽鏡如秋霜閉劔琉璃匣鍊丹紫翠房身佩豁
落圖腰垂虎鬣囊仙人駕彩鳳志在窮遐荒戀子四五
人裴回未翱翔東流送白日驟歌蘭蕙芳仙宮兩無從
人間久摧藏范蠡說句踐屈平去懷王飄飄一作紫霞
心流浪憶江鄉愁為萬里別復此一銜觴淮水帝王州

金陵繞丹陽樓臺照海色衣馬搖川光及此北望君相
思淚成行朝雲落夢渚瑤草空高堂帝子隔洞庭青楓
滿瀟湘懷君路綿邈覽古情淒涼登岳眺百川杳然萬
恨長知一作却戀峨眉去弄景偶騎羊

留別于十一兄逖襲十三遊塞垣

太公渭川水李斯上蔡門釣周獵秦安黎元小魚鮑兔
何足言天張雲卷有時節吾徒莫嘆羝觸藩于公白首
大梁野使人悵望何可論既知朱亥為壯士且願東心

秋毫裏秦趙虎爭血中原當去抱關救公子裴生覽千
古龍鸞炳文章悲吟雨雪動林木放書輟劒思高堂勸
爾一杯酒拂爾裘上霜爾為我楚舞吾為爾楚歌且探
虎穴向沙漠鳴鞭走馬凌黃河耻作易水別臨岐淚滂
沱

留別王司馬嵩

魯連賣談笑豈是顧千金陶朱雖相越本有五湖心余
亦南陽子時為梁甫吟蒼山容偃蹇白日惜頽侵願一

佐明主功成還舊林西來何所為孤劍託知音鳥愛碧

山遠魚遊滄

江一作

海深呼鷹過上蔡賣畚向嵩岑他日

閒相訪丘中有素琴

夜別張五

吾多張公子別酌酣高堂聽歌舞銀燭把酒輕羅裳橫
笛弄秋月琵琶彈陌桑龍泉解錦帶為爾傾千觴

魏郡別蘇明府因北遊

魏都接燕趙美女誇芙蓉淇水流碧玉舟車日奔衝青

樓夾兩岸萬室喧歌鍾天下稱豪貴遊此每相逢

一作天下

稱豪遊此中每相逢洛陽蘇季子劍戟森詞鋒六印雖未佩軒車

若飛龍黃金數百鎰白璧有幾雙散盡空掉臂高歌賦
還邛落魄乃如此何人不相從遠別隔兩河雲山杳千

重一作雲天何時更杯酒再得論心胸

留別西河劉少府

秋一作我髮已種種所為竟無成閒傾魯壺酒笑對劉公

榮謂我是方朔人間落歲星白衣千萬乘何事去天庭

君亦不得意高歌羨鴻冥世人若醺雞安可識梅生雖
為刀筆吏緬懷在赤城余亦如流萍隨波樂休明自有
兩少妾雙騎駿馬行東山春酒綠歸隱謝浮名

潁陽別元丹丘之淮陽

吾將元夫子異姓為天倫本無軒裳契素以煙霞親嘗
恨迫世網銘意俱未伸松柏雖寒苦羞逐桃李春悠悠
市朝間玉顏日緇磷所失重山岳所得輕埃塵精魄漸
蕪穢衰老相憑因我有錦囊訣可以持君身當餐黃金

藥去為紫陽賓萬事難並立百年猶崇晨別爾東南去
悠悠多悲辛前志庶不易遠途期所遵已矣歸去來白
雲飛天津

留別廣陵諸公

一作留別
邯鄲故人

憶昔作少年結交趙與燕金羈絡駿馬錦帶橫龍泉寸
心無疑事所向非徒然晚節覺此踈獵精草太玄空名
束壯士薄俗棄高賢中回聖明顧揮翰凌雲煙騎虎不
敢下攀龍忽墮天還家守清真孤潔勵秋蟬鍊丹費火

石採藥窮山川卧海不關人租稅遼東田乘興忽復起
櫂歌溪中船臨醉謝葛彊山公欲倒鞭狂歌自此別垂
釣滄浪前

廣陵贈別

玉瓶沽美酒數里送君還繫馬垂楊下銜盃大道間天
邊看淥水海上見青山興罷各分袂何須醉別顏

感時留別從兄徐王延年從弟延陵

天籟何參差噫然大塊吹玄元包

一作芭

索籥紫氣何透

迤七葉運皇化千齡光本支仙風生指樹大雅歌螽斯
諸王若鸞虬肅穆列藩維哲兄錫茅土聖代羅一作舍榮

滋九卿領徐方七步繼陳思伊昔金盛日雄豪動京師
冠劍朝鳳闕樓船侍龍池鼓鐘出朱戟金翠照丹墀君
王一顧盼選色獻蛾眉列戟十八年未曾輒遷移大臣
小暗鳴謫竄天南垂長沙不足舞貝錦且成詩佐郡浙
江西病閒絕驅馳階軒日苔蘚鳥雀噪簷帷時乘平肩
輿出入畏人知北宅聊偃息歡愉恤惇嫠羞言梁苑地

烜赫耀旌旗兄弟八九人吳秦各分離大賢達機兆豈
獨慮安危小子謝麟閣雁行忝肩隨令弟字延陵鳳毛
出天姿清英神仙骨芬馥蒞蘭蕤夢得春草句將非惠
連誰深心熱河車與我特相宜金膏猶罔象玉液尚磷
緇伏枕寄賓館宛同清漳湄藥物多見饋珍羞亦兼之
誰道溟渤深猶言淺思慈鳴蟬遊子意促織念歸期驕
陽何太一作火赫海水爍龍龜百川盡凋枯舟楫閣中達
策馬搖涼月通宵出郊圻泣別目眷眷傷心步遲遲願

言保明德王室佇清夷
摻袂何所道援毫投此辭

別儲邕之剡中

借問剡中道東南指越鄉
舟從廣陵去水入會稽
長竹色溪下綠荷花鏡裏香
辭君向天姥拂石卧秋霜

留別金陵諸公

海水昔飛動三龍紛戰爭
鍾山危波瀾傾側駭奔鯨
黃旗一掃蕩割壤開吳京
六代更霸王遺跡一作都見都一作

空城至今秦淮間禮樂秀羣英
地扇鄒魯學詩騰顏謝

名五月金陵西祖余白下亭欲尋廬峰頂先遠漢水行
香爐紫煙滅瀑布落太清若攀星辰去揮手緬含情

口號

一作口號留別金陵諸公

食出野田美酒臨遠水傾東流若未盡應見別離情

金陵酒肆留別

風吹

一作白門

柳花滿店香吳姬壓酒喚

一作勸一作使

客嘗金陵

子弟來相送欲行不行各盡觴請君試問

一作問取

東流水

別意與之誰短長

金陵白下亭留別

驛亭三楊樹正當白下門
吳煙暝長條漢水齧古根
向來送行處回首阻笑言
別後若見之為余一攀翻

別東林寺僧

東林送客處月出白猿啼
笑別廬山遠何煩過虎溪

竄夜郎於烏江留別宗十六璟

君家全盛日台鼎何陸離
斬鰲翼媧皇鍊石補天維
一迴日月顧三入鳳皇池
失勢青門傍種瓜復幾時
猶會

卷一百八十四
衆一作舊

賓客三千光路岐
皇恩雪憤懣松柏含榮滋
我

非東林人令姊
忝齊眉浪跡未出世
空名動京師適遭

雲羅解翻謫夜郎悲
拙妻莫邪劍及此

一作比

二龍隨慙

君湍波苦千里遠從之
白帝曉猿斷黃牛過客遲
遙瞻

明月峽西去並相思

留別龔處士

龔子棲閒地都無人
世喧柳深陶令宅竹暗辟疆園
我去黃牛峽遙愁白帝猿
贈君卷施草心斷竟何言

贈別鄭判官

竄逐勿復哀
慚君問寒灰
浮雲本無意
吹落章華臺
遠別淚空盡
長愁心已摧
二一作三年吟澤畔
顛顚幾時迴

黃鶴樓送孟浩然之廣陵

故人西辭黃鶴樓
煙花三月下揚州
孤帆遠影碧山盡
唯見長江天際流

將遊衡嶽過漢陽
雙松亭留別族弟浮屠談皓
秦欺趙氏璧
却入邯鄲宮
本是楚家玉
還來荆山中
丹

彩瀉

一作照

滄溟精輝凌白虹青蠅一相點流落此時同

卓絕道門秀談玄乃支公延蘿結幽居剪竹繞芳叢涼
花拂戶牖天籟鳴虛空憶我初來時蒲萄開景風今茲
大火落秋葉黃梧桐水色夢沅湘長沙去何窮寄書訪
衡嶠但與南飛鴻

留別賈舍人至二首

大梁白雲起飄颻來南洲裴回蒼梧野十見羅浮秋鰲
抃山海傾四溟揚洪流意欲託孤鳳從之摩天遊鳳苦

道路難翱翔還崑丘不肯銜我去哀鳴慙不周
遠客謝主人明珠難暗投拂拭倚天劍西登岳陽樓
長嘯萬里風掃清宵中憂誰念劉越石化為繞指柔

秋風吹胡霜凋此簷下芳折芳怨歲晚離別悽以傷
謬攀青瑣賢延我於北堂君為長沙客我獨之夜郎
勸此一杯酒豈惟道路長割珠兩分贈寸心貴不忘
何必兒女仁相看淚成行

渡荆門送別

渡遠荆門外來從楚國遊山隨平野盡江入大荒流月
下飛天鏡雲生結海樓仍連故鄉水萬里送行舟

聞李太尉大舉秦兵百萬出征東南懦夫請纓
冀申一割之用半道病還留別金陵崔侍御十

九韻

秦出天下兵蹴踏燕趙傾黃河飲馬竭赤羽連天明太
尉杖旄鉞雲旗繞彭城三軍受號令千里肅雷霆函谷
絕飛鳥武關擁連營意在斬巨黿何論鱣長鯨

一作鯨
與鯨

恨無左車略多愧魯連生拂劍照嚴霜彫戈鬢胡纓願
雪會稽恥將期報恩榮半道謝病還無因東南征亞夫
未見顧劇孟阻先行天奪壯士心長吁別吳京金陵遇
太守倒屣相欣一作逢迎羣公咸祖饒四座羅朝英初發
臨滄觀醉棲征虜亭舊國見秋月長江流寒聲帝車信
迴轉河漢復縱橫孤鳳向西海飛鴻辭北溟因之出寥
廓揮手謝公卿

別韋少府

西出蒼龍門南登白鹿原欲尋商山皓猶戀漢皇恩水
國遠行邁仙經深討論洗心向溪月清耳敬亭猿築室
在人境閉門無世喧多君枉高駕贈我以微言交乃意
氣合道因風雅存別離有相思瑤瑟與金樽

南陵別兒童入京

白酒新熟山中歸黃雞啄黍秋正肥呼童烹雞酌白酒
兒女嬉笑牽人衣高歌取醉欲自慰起舞落日爭光輝
游說萬乘苦不早著鞭跨馬涉遠道會稽愚婦輕買臣

余亦辭家西入秦仰天大笑出門去我輩豈是蓬蒿人

別山僧

何處名僧到水西乘舟

一作杯

弄月宿涇溪平明別我上

山去手攜金策踏雲梯騰身轉覺三天近舉足迴看萬
嶺低謔浪肯居支遁下風流還與遠公齊此度別離何
日見相思一夜暝猿啼

贈別王山人歸布山

王子析道論微言破秋毫還歸布山隱興入天雲高爾

去安可遲瑤草恐衰歇我心亦懷歸屢夢松上月傲然
遂獨往長嘯開巖扉林壑久已蕪石道生薔薇願言弄
笙鶴歲晚來相依

江夏別宋之悌

楚水清若空遙將碧海通人分千里外興在一杯中谷
鳥吟晴日江猿嘯晚風平生不下淚於此泣無窮

御定全唐詩卷一百七十四

欽定四庫全書

御定全唐詩卷一百七十五

李白

南陽送客

斗酒勿為薄寸心貴不忘坐惜故人去偏令遊子傷離
顏怨芳草春思結垂楊揮手再三別臨歧空斷腸

送張舍人之江東

張翰江東去正值秋風時天清一鴈遠海濶孤帆遲白

日行欲暮滄波杳難期吳洲如見月千里幸相思

送王屋山人魏萬還王屋

并序

王屋山人魏萬云自嵩宗沿吳相訪數千里不遇
乘興遊台越經永嘉觀謝公石門後於廣陵相見

美其愛文好古浪跡方外因述其行而贈是詩

一作

見王屋山人魏萬云自嵩歷兗遊梁入吳計程三
千里相訪不遇因下江東尋諸名山往復百越後
於廣陵一面遂乘興共過金陵此公愛奇
好古獨出物表因述其行李遂有此作

僊人東方生浩蕩弄雲海沛然乘天遊獨往失所在
一作

東方不辭家獨訪紫泥海
時人少相逢往往失所在
魏侯繼大名本家聊攝城
卷舒入元化跡與古賢并
十三弄文史揮筆如振綺
辯折田巴生心齊魯連子
西涉清洛源頗驚人世喧
采秀卧王屋因窺洞天門
竭來遊嵩峰羽客何雙雙
朝攜月光子暮宿玉女牕
兔谷上窈窕龍潭下奔淥
東浮汴河水訪我三千里
逸興滿吳雲飄飄淝江汜
揮手杭越間樟亭望潮還
濤卷海門石雲橫天際山
白馬走素車雷奔駭心顏
遙聞會稽美且度

一作一弄

耶溪水萬壑與千巖崢

嶸鏡湖裏秀色不可名清輝滿江城人遊月邊去舟在
空中行此中久延佇入剡尋王許笑讀曹娥碑沈吟黃
絹語天台連四明日入向國清五峰轉月色百里行松
聲靈溪沿越華頂殊超忽石梁橫青天側足履半月
忽然思永嘉不憚海路賒挂席歷海嶠迴瞻赤城霞赤
城漸微沒孤嶼前峽兀水續萬古流亭空千霜一作山月
縉雲川谷難石門最可觀瀑布挂北斗莫窮此水端噴
壁灑素雪空濛生晝寒却思一作尋惡溪去寧懼惡溪惡

咆哮七十灘水石相噴薄路創李北海巖開謝康樂松
風和猿聲搜索連洞壑徑出梅花橋雙溪納歸潮落帆
金華岸赤松若可招沈約八詠樓城西孤峒崑崑四
荒外曠望羣川會雲卷天地開波連浙西大亂流新安
口北指巖光瀨釣臺碧雲中邈與蒼嶺對稍稍來吳都
裴回上姑蘇煙綿橫九疑潒蕩見五湖目極心更遠悲
歌但長吁迴橈楚江濱揮策揚子津身著日本裘裴則朝卿
所贈日本昂藏出風塵五月造我語知非佗一作疑人

相逢樂無限水石日在眼徒干五諸侯不致百一作金

產吾友揚子雲弦歌播清芬雖為江寧宰好與山公羣
乘興但一行且知我愛君君來幾何時僊臺應有期東
窗綠玉樹定長三五枝至今天壇人當笑爾歸遲我苦
惜遠別茫然使心悲黃河若不斷白首長相思

送當塗趙少府赴長蘆

我來揚都市送客回輕舠因誇楚太子便覩廣陵濤仙
尉趙家玉英風凌四豪維舟至長蘆目送煙雲高搖扇

對酒樓持袂把蟹螯前途儻相思登嶽一長謠

送友人尋越中山水

聞道稽山去偏宜謝客才千巖泉灑落萬壑樹縈迴東
海橫秦望西陵遠越臺湖清霜鏡曉濤白雪山來八月
枚乘筆三吳張翰杯此中多逸興早晚向天台

送族弟凝之滁求婚崔氏

與爾情不淺忘筌已得魚玉臺挂寶鏡持此意何如坦
腹東牀下由來志氣疎遙知向前路擲果定盈車

送友人遊梅湖

送君遊梅湖應見梅花發有使寄我來無令紅芳歇暫
行新林浦定醉金陵月莫惜一鴈書音塵坐胡越

送崔十二遊天竺寺

還聞天竺寺夢想懷東越每年海樹霜桂子落秋月送
君遊此地已屬流芳歇待我來歲行相隨浮溟渤

送楊山人歸天台

客有思天台東行路超忽濤落浙江秋沙明浦陽月今

遊方厭楚昨夢先歸越且盡秉燭歡無辭凌晨發我家
小阮賢剖竹赤城邊詩人多見重官燭未曾然興引登
山屐情催泛海船石橋如可度攜手弄雲煙

送溫處士歸黃山白鷺峰舊居

黃山四千仞三十二蓮峰丹崖夾石柱菡萏金芙蓉伊
昔昇絕頂下窺天目松仙人鍊玉處羽化留餘蹤亦聞
溫伯雪獨往今相逢採秀辭五岳攀巖歷萬重歸休白
鷺嶺渴飲丹砂井鳳吹我時來雲車爾當整去去陵陽

東行行芳桂叢迴溪十六度碧嶂盡晴空他日還相訪
乘橋躡綵虹

送方士趙叟之東平

長桑曉洞視五藏無金牛趙叟得秘訣還從方士遊西
過獲麟臺為我弔孔丘念別復懷古潛然空淚流

送韓準裴政孔巢父還山

獵客張兔置不能挂龍虎所以青雲人高

浩一作

歌在巖

戶韓生信英彥裴子含清真孔侯復秀出俱與雲霞親

峻節凌遠松同衾卧盤石斧冰嗽寒泉三子同二屐時
時或乘興往往雲無心出山揖牧伯長嘯輕衣簪昨宵
夢裏還云弄竹溪月今晨魯東門帳飲與君別雪崖滑
去馬蘿徑迷歸人相思若煙草歷亂無冬春

送楊少府赴選

大國置衡鏡準平天地心羣賢無邪人朗鑒窮情深吾
君詠南風袞冕彈鳴琴時泰多美一作英士京國會一作富

纓簪山苗落澗底幽松出高岑夫子有盛才主司得球

琳流水非鄭曲前行遇知音衣工剪綺繡一悞傷千金
何惜刀尺餘不裁寒女衾我非彈冠者感別但開襟空
谷無白駒賢人豈悲吟大道安棄物時來或招尋爾見
山吏部當應無陸沉

對雪奉餞任城六父秩滿歸京

龍虎謝鞭策鵷鷺不司晨君看海上鶴何似籠中鶻獨
用天地心浮雲乃吾身雖將簪組狎若與煙霞親季父
有英風白眉超常倫一官即夢寐脫屣歸西秦竇公敞

華筵墨客盡來臻
燕歌落胡鴈
郢曲迴陽春
征馬百度嘶
遊車動行塵
躊躇未忍去
戀此四座人
餞離駐高駕
惜別空殷勤
何時竹林下
更與步兵鄰

魯郡堯祠送吳五之瑯琊

堯沒三千歲
青松古廟存
送行奠桂酒
拜舞清心魂
日色促歸人
連歌倒芳樽
馬嘶俱醉起
分手更何言

魯郡堯祠送竇明府薄華還西京

時久病
初起作

朝策犁眉騮
舉鞭力不堪
強扶愁疾向
何處
角巾微服

一作 堯祠南長楊掃地不見日石門噴作金沙潭笑誇

故人指絕境山光水色青於藍廟中往往來擊鼓堯本

無心爾何苦門前長跪雙石人有女如花日歌舞銀鞍

繡轂往復迴簸林蹶

一作水

石鳴風雷遠煙空翠時明滅

白鷗歷亂長飛雪紅泥亭子赤闌干碧流環轉青錦湍

深沈百丈洞海底那知不有蛟龍蟠君不見綠珠潭水

流東海綠珠紅粉沈光彩綠珠樓下花滿園今日曾無

一枝在昨夜秋聲闌闌來洞庭木落騷人哀遂將三五

少年輩登高遠望形神開生前一笑輕九鼎魏武何悲
銅雀臺我歌白雲倚牕牖爾聞其聲但揮手長風吹月
度海來遙勸僊人一杯酒酒中樂酣宵向分舉觴酌堯
堯可聞何不令皋繇擁篲橫八極直上青天揮一作掃浮
雲高陽小飲真瑣瑣山公酩酊何如我竹林七子去道
賒蘭亭雄筆安足誇堯祠笑殺五湖水至今顓頊空荷
花爾向西秦我東越暫向瀛洲訪金闕藍田太白若可
期為余掃灑石上月

金鄉送韋八之西京

客自長安來還歸長安去狂風吹我心西挂咸陽樹此
情不可道此別何時遇望望不見君連山起煙霧

送薛九被讒去魯

宋人不辨玉魯賤東家丘我笑薛夫子胡為兩地遊黃
金消衆口白璧竟難投梧桐生蒺藜綠竹乏佳實鳳凰
宿誰家遂與羣雞匹田家養老馬窮士歸其門蛾眉笑
蹙者賓客去平原却斬美人首三千還駿奔毛公一挺

劍楚趙兩相存孟嘗習狡兔三窟賴馮諼信陵奪兵符
為用侯生言春申一何愚刎首為李園賢哉四公子撫
掌黃泉裏借問笑何人笑人不好士爾去且勿諠桃李
竟何言沙丘無漂母誰肯飯王孫

單父東樓秋夜送族弟沈之秦

時凝弟
在席

爾從咸陽來問我何勞苦沐猴而冠不足言身騎土牛
滯東魯沈弟欲行凝弟留孤飛一雁秦雲秋坐來黃葉
落四五北斗已挂西城樓絲桐感人絃亦絕滿堂送君

皆惜別卷簾見月清興來疑是山陰夜中雪明日斗酒
別惆悵清路塵遙望長安日不見長安人長安宮闕九
天上此地曾經為近臣一朝復一朝髮白心不改屈原
憔悴滯江潭亭伯流離放遼海折翮翻飛隨轉蓬聞弦
虛墜下霜空聖朝久棄青雲士他日誰憐張長公

送族弟凝至晏堦

單父三十里

雪滿原野白戎裝出盤遊揮鞭布獵騎四顧登高丘兔
起馬足間蒼鷹下平疇喧呼相馳逐取樂銷人憂舍此

戒禽荒微聲列齊謳鳴雞發晏堦別雁驚涑溝西行有
東音寄與長河流

魯城北郭曲腰桑下送張子還嵩陽

送別枯桑下凋葉落半空我行憎道遠爾獨知天風誰
念張仲蔚還依舊與蓬何時一杯酒更與李膺同

御定全唐詩卷一百七十五

欽定四庫全書

御定全唐詩卷一百七十六

李白

送魯郡劉長史遷弘農長史

魯國一杯水難容橫海鱗仲尼且不敬況乃尋常人白
玉換斗粟黃金買尺薪閉門木葉下始覺秋非春聞君
向西遷地即鼎湖鄰寶鏡匣蒼蘚丹經埋素塵軒后上
天時攀龍遺小臣及此留惠愛庶幾風化淳魯縞如白

煙五縑不成束臨行贈貧交一尺重山岳相國齊晏子
贈行不及言託陰當樹李忘憂當樹萱他日見張祿綈
袍懷舊恩

送族弟單父主簿凝攝宋城主簿至郭南月橋
却迴棲霞山留飲贈之

吾家青萍劍操割有餘閒往來糾二邑此去何時還鞍
馬月橋南光輝岐路間賢豪相追餞却到棲霞山羣花
散芳園斗酒開離顏樂酣相顧起征馬無由攀

魯郡東石門送杜二甫

醉別復幾日登臨徧池臺
何時石門路重有金樽開
秋波落泗水海色明徂徠
飛蓬各自遠且盡手中杯

魯郡堯祠送張十四遊河北

猛虎伏尺草雖藏難蔽身
有如張公子骭髀在風塵
豈無橫腰劍屈彼淮陰人
擊筑向北燕燕歌易水濱
歸來秦山上當與爾為鄰

杭州送裴大澤赴廬州長史

西江天柱遠東越海門深去割慈親戀行憂報國心好
風吹落日流水引長吟五月披裘者應知不取金

灞陵行送別

送君灞陵亭灞水流浩浩上有無花之古樹下有傷心
之春草我向秦人問路岐云是王粲南登之古道古道
連綿走西京紫闕一作關落日浮雲生正當今夕斷腸處

黃鸝

一作驪歌

愁絕不忍聽

送賀監歸四明應制

久辭榮祿遂初衣曾向長生說息機真訣自從茅氏得

恩波寧阻

一作應許

洞庭歸瑤臺含霧星辰滿仙嶠浮空島

嶼微借問欲棲珠樹鶴何年却向帝城飛

送竇司馬貶宜春

天馬白銀鞍親承明主歡鬪雞金宮裏射鴈碧雲端
上羅中貴歌鐘清夜闌何言謫南國拂劍坐長歎趙璧
為誰點隋珠枉被彈聖朝多雨露莫厭此行難

送羽林陶將軍

將軍出使擁樓船江上旌旗拂紫煙萬里橫戈探虎穴
三杯拔劍舞龍泉莫道詞人無膽氣臨行將贈繞朝鞭

送程劉二侍郎兼獨孤判官赴安西幕府

安西幕府多材雄喧喧惟道三數公繡衣貂裘明積雪
飛書走檄如飄風朝辭明主出紫宮銀鞍送別金城空
天外飛霜下蔥海火旗雲馬生光彩胡塞清塵幾日歸
漢家草綠遙相待

送姪良攜二妓赴會稽戲有此贈

攜妓東山去春光半道催遙看若桃李雙入鏡中開

送賀賓客歸越

鏡湖流水漾清波狂客歸舟逸興多山陰道士如相見
應寫黃庭換白鸞

送張遙之壽陽幕府

壽陽信天險天險橫荆關苻堅百萬衆遙阻八公山不
假築長城大賢在其間戰夫若熊虎破敵有餘閒張子
勇且英少輕衛霍孱投軀紫髯將千里望風顏勗爾効

才略功成衣錦還

送裴十八圖南歸嵩山二首

何處可為別長安青綺門胡姬招素手延一作留客醉金

樽臨當上馬時我獨與君言風吹芳蘭折日沒鳥雀喧

舉手指飛鴻此情難具論同歸無蚤晚潁水有清源

君思潁水綠忽復歸嵩岑歸時莫洗耳為我洗其心洗
心得真情洗耳徒買名謝公終一起相與濟蒼生

同王昌齡送族弟襄歸桂陽二首

一作同王昌齡崔國輔送

李舟歸

郴州

秦地見碧草楚謠對清樽把酒爾何思
鷓鴣啼南園余欲羅浮隱猶懷明主恩
躊躇紫宮戀孤負滄洲言終然無心
雲海上同飛翻相期乃不淺幽桂有芳根

爾家何在瀟湘川青莎白石長沙邊
昨夢江花照江日

一作幾枝正發東牕前覺來欲往心
悠然魂隨越鳥飛

南天秦雲連山海相接桂水橫煙不可涉
送君此去令人愁風帆茫茫隔河洲
春潭瓊草綠可折西寄長安明

月樓

送外甥鄭濯從軍三首

六博爭雄好彩來金盤一擲萬人開
丈夫賭命報天子
當斬胡頭衣錦回

丈八蛇矛出隴西彎弧拂箭白猿啼
破胡必用龍韜策
積甲應將熊耳齊

月蝕西方破敵時及瓜歸日未應遲
斬胡血變黃河水
梟首當懸白鵲旗

送于十八應四子舉落第還嵩山

吾祖吹橐籥天人信森羅歸根復太素羣動熙元和
炎四真人搞辯若濤波交流無時寂楊墨日成科夫子
聞洛誦誇才才固多為金好踊躍久客方蹉跎道可束
賣之五寶溢山河勸君還嵩丘開酌盼庭柯三花如未
落乘興一來過

送別

尋陽五溪水汭直入巫山裏勝境由來人共傳君到

南中自稱美送君別有八月秋
颯颯蘆花復益愁雲帆
望遠不相見日暮長江空自流

送族弟綰從軍安西

漢家兵馬乘北風鼓行而西破犬戎爾隨漢將出門去
剪虜若草收奇功君王按劍望邊色一作旄頭已落胡

天空匈奴繫頸數應盡明年應入蒲萄宮

送梁公昌從信安北征

入幕推英選捐書事遠戎高談百戰術鬱作萬夫雄起

舞蓮花劍行歌明月弓將飛天地陣兵出塞垣通祖席
留丹景征麾拂彩虹旋應獻凱入麟閣佇深功

送白利從金吾董將軍西征

西羌延國討白起佐軍威劍決浮雲氣弓彎明月輝馬
行邊草綠旌一作旗卷曙霜飛抗手凜相顧寒風生鐵衣

送張秀才從軍

六駁食猛虎恥從驚馬羣一朝長鳴去矯若龍行雲壯
士懷遠略志存解世紛周粟猶不顧齊珪安肯分抱劍

辭高堂將投崔冠軍長策掃河洛寧親歸汝墳當令千古後麟閣著奇勲

送崔度還吳

度故人禮部員外輔國之子

幽燕沙雪地萬里盡黃雲朝吹歸秋雁南飛日幾羣中有孤鳳雛哀鳴九天聞我乃重此鳥絳章五色分胡為雜凡禽雞鶩輕賤君舉手捧爾足疾心若火焚拂羽淚滿面送之吳江濱去影忽不見躊躇日將曛

送祝八之江東賦得浣紗石

西施越溪女明艷光雲海未

一作來

入吳王宮殿時浣紗

古

一作故

石今猶在桃李新開映古查菖蒲猶短出平沙

昔時紅粉

一作顏

照流水今日青苔覆落花君去西秦適

東越碧山青江幾超忽若到天涯思故人浣紗石上窺

明月

送侯十一

朱亥已擊晉侯嬴尚隱身時無魏公子豈貴抱關人余亦不火食遊梁同在陳空餘湛盧劍贈爾託交親

魯中送二從弟赴舉之西京

一作送族弟鎰

魯客向西笑君門若夢中
霜凋逐臣髮日憶明光宮
復羨二龍去才華冠世雄
平衢騁高足逸翰凌長風
舞袖拂秋月歌筵聞蚤鴻
送君日千里良會何由同

奉饒高尊師如貴道士傳道錄畢歸北海

道隱不可見靈書藏洞天
吾師四萬劫歷世遞相傳
別杖留青竹行歌躡紫煙
離心無遠近長在玉京懸

金陵送張十一再遊東吳

張翰黃花句風流五百年誰人今繼作夫子世稱賢再
動游吳櫂還浮入海船春光白門柳霞色赤城天去國
難為別思歸各未旋空餘賈生淚相顧共悽然

送紀秀才遊越

海水不滿眼觀濤難稱心即知蓬萊石却是巨鼇簪送
爾遊華頂今余發舄吟仙人居射的道士住山陰禹穴
尋溪入雲門隔嶺深綠蘿秋月夜相憶在鳴琴

送長沙陳太守二首

長沙陳太守逸氣凌青松英主賜五馬本是天池龍湘
水迴九曲衡山望五峰榮君按節去不及遠相從

七郡長沙國南連湘水濱定一作吳王垂舞袖地窄不迴

身莫小二千石當安遠俗人洞庭鄉路遠遙羨錦衣春

送楊燕之東魯

關西楊伯起漢日舊稱賢四代三一作五公族清風播人

天夫子華陰居開門對玉蓮何事歷衡霍雲帆今始還
君坐稍解顏為君歌此篇我固侯門士謬登聖主筵一

辭金華殿蹢躅長江邊
二子魯門東別來已經年
因君此中去不覺淚如泉

送蔡山人

我本不棄世世人自棄我
一乘無倪舟八極縱遠拖
燕客期躍馬唐生安敢譏
採珠勿驚龍大道可暗歸
故山有松月遲爾翫清暉

送蕭三十一之魯中兼問稚子伯禽

六月南風吹白沙
吳牛喘月氣成霞
水國鬱

一作蒸不

可處時炎道遠無行車夫子如何涉江路雲帆嫋嫋金
陵去高堂倚門望伯魚魯中正是趨庭處我家寄在沙
丘傍三年不歸空斷腸君行既識伯禽子應駕小車騎
白羊

送楊山人歸嵩山

我有萬古宅嵩陽玉女峰長留一片月挂在東溪松爾
去掇仙草菖蒲花紫茸

一作君行到此
峰餐霞駐衰容

歲晚或相訪青

天騎白龍

送殷淑三首

海水不可解連江夜為潮俄然浦嶼濶岸去酒船遙惜
別耐取醉鳴榔且長謠天明爾當去應便有風飄

白鷺洲前月天明送客回青龍山後日早出海雲來流
水無情去征帆逐吹開相看不忍別更進手中杯

痛飲龍筇下燈青月復寒醉歌驚白鷺半夜起沙灘

送岑徵君歸鳴皋山

岑公相門子雅望歸安石奕世皆夔龍中台竟三折至

人達機兆高揖九州伯奈何天地間而作隱淪客貴道

能

一作皆

全真潛輝卧幽鄰

一作鱗

探元入窅默觀化游無

垠光武有天下嚴陵為故人雖登洛陽殿不屈巢由身

余亦謝明主今稱偃蹇臣登高覽萬古思與廣成鄰蹈

海寧受賞還山非問津西來

一作終期

一搖扇共拂元規塵

送范山人歸泰山

魯客抱白鶴

一作雞

別余往泰山初行若片雲

一作雪

杳在

青崖間高高至天門日觀

一作海日

近可攀雲山望不及此

去何時還

欽定四庫全書

御定全唐詩
卷一百七十六

十三

御定全唐詩卷一百七十六

欽定四庫全書

御定全唐詩卷一百七十七

李白

送韓侍御之廣德

昔日繡衣何足榮
今宵貰酒與君傾
暫就東山賒月色
酣歌一夜送泉明

送通禪師還南陵隱靜寺

我聞隱靜寺
山水多奇蹤
巖種朗公橘
門深杯渡松
道

人制猛虎振錫還孤峰他日南陵下相期谷口逢

送友人

青山橫北郭白水遶東城此地一為別孤蓬萬里征浮
雲遊子意落日故人情揮手自茲去蕭蕭班馬鳴

送別

斗酒渭城邊壚頭醉不眠梨花千樹雪楊葉萬條煙惜
別傾壺醑臨分贈馬鞭看君潁上去新月到應圓

江上送女道士褚三清遊南嶽

吳江女道士頭戴蓮花巾霓衣

一作裳

不濕雨特異陽臺

雲足下遠遊履凌波生素塵尋仙向南嶽應見魏夫人

送友人入蜀

見說蠶叢路崎嶇不易行山從人面起雲傍馬頭生芳
樹籠秦棧春流遠蜀城升沈應已定不必問君平

送李青歸南葉

一作華陽川

伯陽仙家子容色如青春日月祕靈洞雲霞辭世人化
心養精魄隱几宵天真莫作千年別歸來城郭新

送舍弟

吾家白額

一作馬

駒遠別臨東道他日相思一夢君應得

池塘生春草

送別得書字

水色南天遠舟行若在虛遷人發佳興吾子訪閒居日

落看歸鳥潭澄羨

一作憐

躍魚聖朝思賈誼應降紫泥書

送麴十少府

試發清秋興因為吳會吟碧雲斂海色流水折江心我

有延陵劍君無陸賈金艱難此為別惆悵一何深

送張秀才謁高中丞

并序

余時繫潯陽獄中正讀留侯傳秀才張孟熊蘊滅
胡之策將之廣陵謁高中丞余嘉子房之風感激
于斯人因作是詩以送之

秦帝淪玉鏡

一作六雄滅金虎

留侯降氛氲感激黃石老經過

滄海君壯士揮金槌報讐六國聞智勇冠終古蕭陳難

與羣兩龍爭鬪時天地動風雲酒酣

一作縱橫

舞長劍倉卒

解漢紛宇宙初倒懸鴻溝勢將分英謀信奇絕夫子揚

清芬

一作夫子稱卓絕超然繼清芬

胡月入紫微三光亂天文高公鎮

淮海談笑却妖氛採爾幕中畫戡難光殊勲我無燕霜
感玉石俱燒焚但灑一行淚臨岐竟何云

尋陽送弟昌峒鄱陽司馬作

桑落洲渚連滄江無雲煙潯陽非剡水忽見子猷船飄
然欲相近來遲杳若仙人乘海上月帆落湖中天一覩
無二諾朝懽更勝昨爾則吾惠連吾非爾康樂朱紱白

銀章上官佐鄱陽松門拂中道石鏡迴清光搖扇及于
越水亭風氣涼與爾期此亭期在秋月滿時過或未來
兩鄉心已斷吳山對楚岸彭蠡當中州相思定如此有
窮盡年愁

餞校書叔雲

少年費白日歌笑矜朱顏不知忽已老喜見春風還惜
別且為歡裴回桃李間看花飲美酒聽鳥臨晴山向晚
竹林寂無人空閉關

送王孝廉觀省

彭蠡將天合姑蘇在日邊
寧親候海色欲動孝廉船
窈窕晴江轉參差遠岫連
相思無晝夜東泣似長川

同吳王送杜秀芝赴舉入京

秀才何翩翩王許回也賢
暫別廬江守將遊京兆天
秋山宜落日秀水出寒烟
欲折一枝桂還來雁沼前

洞庭醉後送絳州呂使君果一作流澧州

昔別若夢中天涯忽相逢
洞庭破秋月縱酒開愁容
贈

劍刻玉字延平兩蛟龍送君不盡意書及雁迴峯

與諸公送陳郎將歸衡陽并序

仲尼旅人文王明夷苟非其時聖賢低眉况僕之
不肖者而遷逐枯槁固非其宜朝心不開暮髮盡
白而登高送遠使人增愁陳郎將義風凜然英思
逸發來下曹城之榻去邀才子之詩動清興於中
流泛素波而逕去諸公仰望不及連章祖之序慚
起予輒冠名賢之首作者嗤我乃為撫掌之資乎

衡山蒼蒼入紫冥下看南極老人星迴飈吹散五峰雪
往往飛花落洞庭氣清嶽秀有如此郎將一家拖金紫
門前食客亂浮雲世人皆比孟嘗君江上送行無白璧
臨岐惆悵若為分

送趙判官赴黔府中丞叔幕

廓落青雲心交結黃金盡富貴翻相忘令人忽自哂
躋躋毛斑盛時難再還巨源咄石生何事馬蹄間綠蘿
長不厭却欲還東山君為魯曾子拜揖高堂裏叔繼趙

平原偏承明主恩
風霜推獨坐旌節鎮雄藩
虎士秉金鉞蛾眉開玉樽
才高幕下去義重林中言
水宿五溪月霜啼三峽猿
東風春草綠江上候歸軒

送陸判官往琵琶峽

水國秋風夜殊非
遠別時長安如夢裏
何日是歸期

送梁四歸東平

玉壺挈美酒送別強為歡
大火南星月長郊北路難
殷王期負鼎汶水起垂竿
莫學東山卧參差老謝安

江夏送

一作祖友人

雪點翠雲裘送君黃鶴樓黃鶴振玉羽西飛帝王州鳳
無琅玕實何以贈遠遊裴回相顧影淚下漢江流

送郗昂謫巴中

瑤草寒不死移植滄江濱東風灑雨露會入天地一作池

春予若洞庭葉隨波送逐臣思歸未可得書此謝情人

江夏送張丞

欲別心不忍臨行情更親酒傾無限月客醉幾重春藉

草依流水攀花贈遠人送君從此去回首泣迷津

賦得白鷺鷥送宋少府入三峽

白鷺拳一足月明秋水寒人驚遠飛去直向使君灘

送二季之江東

初發強中作題詩與惠連多慚一日長不及二龍賢西塞當中路南風欲進船雲峰出遠海帆影挂清川禹穴藏書地匡山種杏田此行俱有適遲爾早歸旋

江西送友人之羅浮

桂水分五嶺衡山朝九疑鄉關渺安西流浪將何之素
色愁明湖秋渚晦寒姿疇昔紫芳意已過黃髮期君王
縱疎散雲壑借巢夷爾去之羅浮我還憩峨眉中濶道
萬里霞月遙相思如尋楚狂子瓊樹有芳枝

宣州謝朓樓餞別校書叔雲

一作陪侍御
叔華登樓歌

棄我去者昨日之日不可留亂我心者今日之日多煩
憂長風萬里送秋雁對此可以酣高樓蓬萊文章建安
骨中間小謝又清發俱懷逸興壯思飛欲上青天覽日

月抽刀斷水水更流舉杯銷愁愁更

一作復

愁人生

一作男兒

在世不稱意明朝散髮弄扁舟

一作舉擢還滄洲

宣城送劉副使入秦

君即劉越石雄豪冠當時淒清橫吹曲慷慨扶風詞虎
嘯俟騰躍雞鳴遭亂離千金市駿馬萬里逐王師結交
樓煩將侍從羽林兒統兵捍吳越豺虎不敢窺大勲竟
莫叙已過秋風吹秉鉞有李公凜然負英姿寄深且戎
幕望重必台司感激一然諾縱橫兩無疑伏奏歸北闕

鳴騶忽西馳列將咸出祖英寮惜分離斗酒滿四筵歌
嘯宛溪湄君攜東山妓我詠北門詩貴賤交不易恐傷
中園葵昔贈紫騮駒今傾白玉卮同歡萬斛酒未足解
相思此別又千里

一作此
別千里

秦吳渺天涯月明關山苦

水劇隴頭悲借問幾時還春風入黃池無令長相憶折
斷綠楊枝

涇川送族弟鐔

涇川三百里若耶羞見之錦石照碧山兩邊白鷺鷥佳

境千萬曲客行無歇時上有琴高水下有陵陽祠仙人
不見我明月空相知問我何事來盧敖結幽期蓬山振
雄筆繡服揮清詞江湖發秀色草木含榮滋置酒送惠
連吾家稱白眉愧無海嶠作敢闕河梁詩見爾復幾朝
俄然告將離中流漾彩鷁列岸叢金羈歎息蒼梧鳳分
棲瓊樹枝清晨各飛去飄落天南垂望極落日盡秋深
暝援悲寄情與流水但有長相思

五松山送殷淑

秀色發江左風流奈若何仲文了不還獨立揚清波載
酒五松山積然白雲歌中天度落月萬里遙相過撫酒
惜此月流光畏蹉跎明日別離去連峰鬱嵯峨

送崔氏昆季之金陵

一作秋夜崔八
丈水亭送別

放

一作吳

歌倚東樓行子期曉發秋風渡江來吹落山上

月主人出美酒滅燭延清光二崔向金陵安得不盡觴
水客弄歸櫂雲帆卷輕霜扁舟敬亭下五兩先飄揚峽
石入水花碧流日更長思君無歲月西笑阻河梁

登黃山凌歊臺送族弟溧陽尉濟充泛舟赴華

陰

得齊字

鷹乃鳳之族翱翔紫雲霓文章輝五色雙在瓊樹棲一朝各飛去鳳與鸞俱啼炎赫五月中朱曦爍河堤爾從泛舟役使我心魂悽秦地無碧草南雲喧鼓輦君王減玉膳早起思鳴雞漕引救關輔疲人免塗泥宰相作霖雨農夫得耕犁靜者伏草間羣才滿金閨空手無壯士窮居使人低送君登黃山長嘯倚上一作天梯小舟若鳬

鴈大舟若鯨鯢開帆散長風舒卷與雲齊日入牛渚晦

蒼然夕煙迷相思定

一作在

何許

一作在

洛陽西

送儲邕之武昌

黃鶴西

一作高

樓月長江萬里情春風三十度空憶武昌

城送爾難為別銜杯惜未傾湖連張樂地山逐泛舟行
諾為楚人重詩傳謝朓清滄浪吾有曲寄入櫓歌聲

御定全唐詩卷一百七十七

欽定四庫全書

御定全唐詩卷一百七十八

李白

訓談少府

一尉居條忽梅生有仙骨
三事或可羞匈奴哂千秋壯
心屈黃綬浪跡寄滄洲
昨觀荆峴作如從雲漢遊
老夫當暮矣蹠足懼驛騶

訓字文少府見贈桃竹書筒

桃竹書筒綺繡文良工巧妙稱絕羣靈心圓映三江月
彩質疊成五色雲中藏寶訣峨眉去千里提攜長憶君

五月東魯行荅汶上君

一作翁

五月梅始

一作子

黃蠶凋桑柘空魯人重織作機杼鳴簾

櫳顧余不及仕學劍來山東舉鞭訪前途獲笑汶上翁

下愚忽壯士未足論窮通我以一箭書能取聊城功終

然不受賞羞與時人同西歸去直道落日昏陰虹此

一作

我去爾勿言甘心為轉蓬

早秋單父南樓酬竇公衡

白露見日滅，紅顏隨霜凋。
別君若俯仰，春芳辭秋條。
泰山嵯峨夏雲在，疑是白波漲東海。
散為飛雨川上來，遙帷却卷清浮埃。
知君獨坐青軒下，此時結念同所懷。
一作者我閉南樓看道書，幽簾清寂在仙居。
曾無好事來相訪，賴爾高文一起予。

山中問答

問余何意

一作事

栖碧山笑而不荅，心自閒。
桃花流水窅

然去別有天地非人間

荅友人贈烏紗帽

領得烏紗帽全勝白接羅
山人不照鏡稚子道相宜

訓張司馬贈墨

上黨碧松烟夷陵丹砂末
蘭麝凝珍墨精光乃堪掇
黃頭奴子雙鴉鬟錦囊養之懷
袖間今日贈予蘭亭去興來灑
筆會稽山

荅湖州迦葉司馬問白是何人

青蓮居士謫仙人酒肆藏名三十春
湖州司馬何須問
金粟如來是後身

荅長安崔少府叔封遊終南翠微寺太宗皇帝
金沙泉見寄

河伯見海若傲然誇秋水小物昧遠圖寧知通方士
多君紫霄意獨往蒼山裏地古寒雲深巘高長風起
初登翠微嶺復憩金沙泉踐苔朝霜滑弄波夕月圓
飲彼石下流結蘿宿溪煙鼎湖夢淥水龍駕空

一作何

茫然早行

子午關

一作間
又作峯

却登山路遠

一作却歎山路遠
又作頗識闊路遠

拂琴聽

霜猿滅燭乃星飯人烟無明

一作同

異鳥道絕往返攀厓

倒青天下視白日晚既過

一作遇

石門隱還唱

一作聞

石潭

歌涉雪蹇紫芳

一作採
紫莖

濯纓想

一作掬

清波此人不可見

此地君自過為余謝風泉其如幽意何

訓崔五郎中

朔雲橫高天萬里起秋色壯士心飛揚落日空歎息長
嘯出原野凜然寒風生幸遭聖明時功業猶未成柰何

懷良圖鬱悒獨愁坐

一作空
獨坐

杖策尋英豪立談乃知我

崔公生民秀緬邈青雲姿制作叅造化託諷含神祇海
嶽尚可傾吐諾終不移是時霜飈寒逸興臨華池起舞
拂長劍四座皆揚眉因得窮歡情贈我以新詩又結汗
漫期九垓遠相待舉身憩蓬壺濯足弄滄海從此凌倒
景一去無時還朝遊明光宮暮入閭闔關但得長把袂
何必嵩丘山

以詩代書答元丹丘

青鳥

一作鳥

海上來今朝發何處口銜雲錦字

一作書

與我

忽飛去鳥去凌紫烟書留綺窻前開緘方

一作時

一笑乃

是故人傳故人深相勗憶我勞心曲離居在咸陽三見

秦草綠置書雙袂間引領不暫閒長望

一作歎

杳難見浮

雲橫遠山

金門荅蘓秀才

君還石門日朱火始改木春草如有情山中尚含綠折
芳愧遙憶永路當自勗遠見故人心平生以此足巨海

納百川麟閣多才賢獻書入金闕酌醴奉瓊筵屢忝白
雲唱恭聞黃竹篇恩光照拙薄雲漢希騰遷銘鼎倘云
遂扁舟方渺然我留在金門君去卧丹壑未果三山期
遙欣一丘樂玄珠寄象罔赤水非寥廓願狎東海鷗共
營西山藥棲巘君寂滅處世余龍蠅良辰不同賞永日
應閒居鳥吟簷前樹花落窻下書緣溪見綠篠隔岫窺
紅蕖採薇行笑歌眷我情何已月出石鏡間松鳴風琴
裏得心自虛妙外物空頽靡身世如兩忘從君老煙水

訓坊州王司馬與閻正字對雪見贈

遊子東南來自宛適京國飄然無心雲
倏忽復西北訪戴昔未偶尋嵇此相得
愁顏發新歡終宴叙前識閻公漢庭舊
沈鬱富才力價重銅龍樓聲高重門側
寧期此相遇華館陪遊息積雪明遠峰
寒城鎖春色主人蒼生望假我青雲翼
風水如見資投竿佐皇極

訓中都小吏携斗酒雙魚於逆旅見贈

魯酒若琥珀

一作琥
珀色

汶魚紫錦鱗山東豪吏有俊氣手

攜持

一作

此物贈遠人意氣相傾兩相顧斗酒雙魚表情

素

一本此下有酒來我飲之繪作別離處二句

雙鯉呀呷鰭鬣張跋刺銀盤

欲飛去呼兒拂几霜刃揮紅肌花落白雪霏為君下筯

一餐飽

一作罷

醉著金鞍上馬歸

訓張卿夜宿南陵見贈

月出魯城東明如天上雪魯女驚莎雞鳴機應秋節當
君相思夜火落金風高河漢挂戶牖欲濟無輕舫我昔
辭林丘雲龍忽相見客星動太微朝去洛陽殿爾來得

茂彥七葉仕漢餘身為下邳客家有圮橋書傳說未夢
時終當起巘野萬古騎辰星光輝照天下與君各未遇
長策委蒿萊寶刀隱玉匣鏞澁空莓苔遂令世上愚輕
我土與灰一朝攀龍去鼃黽安在哉故山定有酒與爾
傾金壘

訓岑勲見尋就元丹丘對酒相待以詩見招

黃鶴東南來寄書寫心曲倚松開其緘憶我腸斷續不
以千里遙命駕來相招中達元丹丘登嶺宴碧霄對酒

忽思我長嘯臨清颶寒予未知茫茫綠雲垂俄然素
書及解此長渴飢策馬望山月途窮造階墀喜茲一會
面若覩瓊樹枝憶君我遠來我歡方速至開顏酌美酒
樂極忽成醉我情既不淺君意方亦深相知兩相得一
顧輕千金且向山客笑與君論素心

荅從弟幼成過西園見贈

一身自瀟灑萬物何囂喧拙薄謝明時棲閒歸故園二
季過舊壑四鄰馳華軒衣劍照松宇賓徒光石門山童

薦珍果野老開芳樽上陳樵漁事下叙農圃言昨來荷
花滿今見蘭苕繁一笑復一歌不知夕景昏醉罷同所
樂此情難具論

訓王補闕惠翼莊廟宋丞泚贈別

學道三千一作十春自言義和人軒蓋宛若夢雲松長相

親偶將二公合復與三山鄰喜結海上契自為天外賓
鷺翮我先鍛龍性君莫馴朴散不尚古時訛皆失真勿
踏荒溪坡竭來浩然津薜帶何辭楚桃源堪避秦世迫

且離別心在期隱淪酬贈非炯戒永言銘佩紳

訓裴侍御對酒感時見贈

雨色秋來寒風嚴清江爽孤高繡衣人瀟灑青霞賞平生多感激忠義非外獎禍連積怨生事及徂川往楚邦有壯士鄢郢翻掃蕩申包哭秦庭泣血將安仰鞭屍辱已及堂上羅宿莽頗似今之人蝨賊一作蝨陷忠讜渺然一水隔何由稅歸鞅日夕聽猿怨懷賢盈夢想

訓崔侍御

一本此下有成甫二字

嚴陵不從萬乘遊
歸卧空山釣碧流
自是客星辭帝座
元非太白醉揚州

翫月金陵城西孫楚酒樓達曙歌吹日晚乘醉
著紫綺裘烏紗巾與酒客數人榷歌秦淮往石
頭訪崔四侍御

昨翫西城月青天垂玉鉤
朝沽金陵酒歌吹孫楚樓
忽憶繡衣人乘船往石頭
草裏烏紗巾倒被紫綺裘
兩岸拍手笑疑是王子猷
酒客十數公崩騰醉中流
謹浪榷

海客喧呼傲陽侯，半道逢吳姬。卷簾出，柳榆我憶君到。
此不知狂與羞，一月一作月下一見君。三杯便回撓，舍舟共
連袂行。上南渡橋，興發歌綠水。秦客為之搖，雞鳴復相
招。清宴逸雲霄，贈我數百字。字字凌風颭，繫之衣裘上。
相憶每長謠。

江上答崔宣城

太華三芙蓉，明星玉女峰。尋仙下西嶽，陶令忽相逢。問
我將何事，湍波歷幾重。貂裘非季子，鶴氅似王恭。謬忝

燕臺召而陪郭隗蹤水流知入海雲去或從龍樹繞蘆
洲月山鳴鵲鎮鐘還期如可訪台嶺蔭長松

荅族姪僧中孚贈玉泉仙人掌茶

并序

余聞荊州玉泉寺近清溪諸山山洞往往有乳窟
窟中多玉泉交流其中有白蝙蝠大如鴉按山經
蝙蝠一名仙鼠千歲之後體白如雪棲則倒懸蓋
飲乳水而長生也其水邊處處有茗草羅生枝葉
如碧玉唯玉泉真公常採而飲之年八十餘歲顏

色如桃李而此茗清香滑熟異于他者所以能還
童振枯扶人壽也余遊金陵見宗僧中孚示余茶
數十片拳然重疊其狀如手號為仙人掌茶蓋新
出乎玉泉之山曠古未覲因持之見遺蕪贈詩要
余荅之遂有此作後之高僧大隱知仙人掌茶發
乎中孚禪子及青蓮居士李白也

常聞玉泉山山洞多乳窟仙鼠如白鴉倒懸清溪月茗
生此中石玉泉流不歇根柯灑芳津採服潤肌骨叢一作

楚老卷綠葉枝枝相接連
曝成仙人掌似拍洪崖肩
舉世未見之其名定誰傳
宗英乃禪伯投贈有佳篇
清鏡燭無鹽顧慚西子妍
朝坐有餘興長吟播諸天

訓裴侍御留岫師彈琴見寄

君同鮑明遠邀彼休上人
鼓琴亂白雪秋變江上春
瑤草綠未衰攀翻寄情親
相思而不見流淚空盈巾

張相公出鎮荊州尋除太子詹事余時流夜郎
行至江夏與張公去千里公因太府丞王昔使

車寄羅衣二事及五月五日贈余詩余荅以此

詩

張衡殊不樂應有四愁詩慙君錦繡段贈我慰相思鴻鵠復矯翼鳳凰憶故池榮樂一如此商山老紫芝

醉後荅丁十八以詩譏余掇碎黃鶴樓

此詩楊慎云是

作偽

黃鶴高樓已掇碎黃鶴仙人無所依黃鶴上天訴玉帝却放黃鶴江南歸神明太守再雕飾新圖粉壁還芳菲

一州笑我為狂客少年往來相譏君平簾下誰家子
云是遼東丁令威作詩調我驚逸興白雲繞筆窗前飛
待取明朝酒醒罷與君爛熳尋春暉

荅裴侍御先行至石頭驛以書見招期月滿泛
洞庭

君至石頭驛寄書黃鶴樓開緘識遠意速此南行舟風
水無定準湍波或一作滯留憶昨新月生西簷若瓊鉤

今來何所以破鏡懸清秋恨不三五明平湖泛澄流此

歡竟莫遂狂一作殺王子猷巴陵定遙遠持贈解人憂

答高山人魚呈權顧二侯

虹霓掩天光括后起康濟應運生夔龍開元掃氛翳太
微廓金鏡端拱清遐裔輕塵集嵩嶽虛點盛明意謬揮
紫泥詔獻納青雲際讒惑英主心恩疎佞臣計彷徨庭
闕下歎息光陰逝未作仲宣詩先流賈生涕挂帆秋江
上不為雲羅制山海向東傾百川無盡勢我於鴟夷子
相去千餘歲運濶英達稀同風遙執袂登臚望遠水忽

見滄浪桀高士何處來虛舟渺安繫衣貌本淳古文章
多佳麗延引故鄉人風義未淪替顧侯達語默權子識
通救曾是無心雲俱為此留滯雙萍易飄轉獨鶴思凌
厲明晨去瀟湘共謁蒼梧帝

荅杜秀才五松見贈

五松山在南陵
銅坑西五六里

昔獻長楊賦天開雲雨歡當時待詔承明裏皆道揚雄
才可觀勅賜飛龍二天馬黃金絡頭白玉鞍浮雲蔽日
去不返總為秋風摧紫蘭角巾東出商山道採秀行歌

詠芝草路逢園綺笑向人兩君解來一何好聞道金陵
龍虎盤還同謝朓望長安千峰夾水向秋浦五松名山
當夏寒銅井炎鑪歎九天赫如鑄鼎荆山前陶公矍鑠
呵赤電回祿睢盱揚紫烟此中豈是久留處便欲燒丹
從列仙愛聽松風且高卧颼颼吹盡炎氛一作風過登崖
獸立望九州陽春欲奏誰相和聞君往年遊錦城章仇
尚書倒屣迎飛箋絡驛奏明主天書降問迴恩榮骭髀
不能就珪組至今空揚高蹈名夫子工文絕世竒五松

新作天下推吾非謝尚
遜彥伯異代風流各一時
一時相逢樂在今袖拂白雲開
素琴彈為三峽流泉音從茲
一別五陵去去後桃花春水深

至陵陽山登天柱石訓韓侍御見招隱黃山

韓衆騎白鹿西往華山中
玉女千餘人相隨在雲空
見我傳秘訣精誠與天通
何意到陵陽遊目送飛鴻
天子昔避狄與君亦乘驄
擁兵五陵下長策追胡戎
時秦解繡衣脫身若飛蓬
鸞鳳翻羽翼啄粟坐樊籠
海鶴一笑

之思歸向遼東黃山過石柱巘嶢上攢叢因巢翠玉樹
忽見浮丘公又引王子喬吹笙舞松風朗詠紫霞篇請
開藥珠宮步綢繞碧落倚樹招青童何日可攜手遺形
入無窮

訓崔十五見招

爾有鳥跡書相招琴溪飲手跡尺素中如天落雲錦讀
罷向空笑疑君在我前長吟字不減懷袖且三年

荅王十二寒夜獨酌有懷

此詩蕭士贇云是偽作

昨夜吳中雪子猷佳興發萬里浮雲捲碧山青天中道
流孤月孤月滄浪河漢清北斗錯落長庚明懷余對酒
夜霜白玉牀金井冰崢嶸人生飄忽百年內且須酣暢
萬古情君不能狸膏金距學鬪雞坐令鼻息吹虹霓君
不能學哥舒橫行青海夜帶刀西屠石堡取紫袍陰詩
作賦北窓裏萬言不直一杯水世人聞此皆掉頭有如
東風射馬耳魚目亦笑我請一作謂與明月同驂騑拳跼
不能食蹇驢得志鳴春風折楊皇華合流俗晉君聽琴

枉清角巴人誰肯和陽春楚地由來賤竒璞黃金散盡
交不成白首為儒身被輕一談一笑失顏色蒼蠅貝錦
喧謗聲曾參豈是殺人者讒言三及慈母驚與君論心
握君手榮辱于余亦何有孔聖猶聞傷鳳麟董龍更是
何雞狗一生傲岸苦不諧恩疎媒勞志多乖嚴陵高揖
漢天子何必長劍拄頤事玉階達亦不足貴窮亦不足
悲韓信羞將絳灌比禍衡耻逐屠沽兒君不見李北海
英風豪氣今何在君不見裴尚書土墳三尺蒿棘下

居少年早欲五湖去見此彌將鐘鼎疎

御定全唐詩卷一百七十八